

# 2016 Nepomuk Gaschi

Zwei Kaffi im Calanda und a Stanga  
denn tuan i no d'Rechnig verlanga  
für glich viel Stutz, miar platzt dr Kraga  
kriag i bim Dosch a neua Waga

Jetzt kömmend bald dia neua Nota  
s'Landquart ischs z'Papier endli grota  
nünvierzig Falta und a Rumpf  
mit am Bild vur Widmer-Schlumpf

Fifty shades of grey muasch gseh ha  
noch der Folterkammer direkt in d'Reha  
so dreckig wia dä Sex bi dena  
isch nu a VW bim Moscht verbrenna

Schkirena am Fernseh isch an Hit  
Beschtzyt für d'Schwyz, i fibara mit  
i hüpfä wia wild bi miar dahei  
jetzt startet dr Nögscht mit Nummara zwei

Fallt bim Achmed sini Schahm  
sis Achmedli, isch nu lahm  
hät damit Problem und Sorga  
sprengt er sich in d'Luft am Morga

Han i Verkehr oder han i keina?  
dia einta wüssens dia andara tüan meina  
so ischs bi miar und minam Schatz  
und au z'Khur uf em Poschtplatz

As isch beruigend für jeda Depp  
für jeda Seich gits schu as Äpp  
News checka, poschta, ganz bequem  
nu keis für's Khurer Verkehrsproblem

Das I-Phone isch a tolli Sach  
nu zwei Knöpf und au so flach  
dr erschti Knopf sait diar wo d'bisch  
dr Zweiti wia di Nama isch

Halloween a Bruch zum Grusa  
bin schockiart, kann nümma pfusa  
Zombi, Fratza, schurig isch Trumpf  
i gohn nögscht Jahr als Widmer-Schlumpf

Dä Vers hän miar schu letscht Jahr gsunga  
d'Evelin findats gär nit glunga  
miar könn Sie jo so guat verstoh  
jetzt hät Sie jo Zyt zum selber go

Goht diar dis Händy uf a Sack  
Geld ha findisch du an Kack  
häsch kei Sex wiana alti Tanta  
fier doch Silverster mit Asylanta